

ТЕЛЕГРАММА

Вань сельсовет'есысь председателеслы, райкомлэн но райисполкомлэн уполномоченнойессылы

ВКП(б) ЦК-лэн но СССР-ысь Совнаркомлэн Куремзыя, Обкомлэн но Совнаркомлэн телеграммазы ке но вал ни, етин уж но нюлэс дасян уж'ёс но кытчы чидантэм ляб мыно. 20-тй октябре республиканымы етин треста 37 процентлы, мертчан 7 процентлы, етин кидыс 71 процентлы, клевер 32 процентлы гинэ государстволы сётэмын ни. Уката но таче район'ёс планэз срывать карыса уло: Барышниково—9, Юкаменской—17, Зятчинской—15 процентлы сян трестаез өз сётэ на. Етин мертчан сётонэз, Шаркан, П. Пурга но Можга район'ёс преступно срывать карыса уло.

Обком но Совнарком етин но нюлэс дасян уж'ёсты категорически умоятны куре та район'ёслэсь. Етин сётон планэз Октябрьской революцилэн 20-тй годовщинаез азелы тырмытоно. Нюлэс дасян'я нылетй кварталлэсь планэз, Верховной

Советэ быр'ён кутскон нуналоз—12-тй декабрыз тырмытоно, со понна ик 70—80 процентэз колхоз'есысь ужас кужымез етин уж борды переклочь кароно. Етин переработать каронэн но заготпункт'есысь базаосы етин нуллон ужен, льнопункт'есысь звеноос пöлын социалистической соревнованиез организовать каре. Вань та уж'ёсты Верховной Советэ быр'ёнэн герзалэ.

**Обком ВОРОНИН
Совнарком ИВАНОВ.**

Райком но райисполком та телеграммаез колхозник'ёсын колхоницаосын, сельсовет'ёслэн пленум'ёсазы, колхозник'ёслэн обшой собранияосазы но льнопункт'ёсын проработывать ка рыны косэ. Паськыт вöлмытэ стахановской движениез етин ужын но нюлэс дасянын. Со уж'ёсы вань кужымез переклочь каре.

**Райном ОРЛОВ.
Райисполком БУШМАКИН.**

Етин шуккон уж умоя

Етин, народной хозяйствон, технической культураос пöлысь одигеныз луэ. Сое котькуд колхозник, колхозница тöдэ, бадзым саклык вис'я. Котькуд колхозник етинэз умой но ыштон'ёстэк утялтыны тырше.

Ичи-а асьме республикамы етин уж бордын знатной мурт'ёс будэмын но будо. Нош со азьмынйсь мурт'ёс асьэ опытаньзы бордазы уно стахановкаосты будэто. Етин уж нуналысь нунале умоя. Колхоз'ёс государстволы выль

ноmero етин мертчан сётны сюлмасько.

Районамы но уноез колхоз'ёс етинэз государстволы сётны кутскизы ни. Етин шукконын колхозницаос выль ужазинлык'ёс возьмаг'яло.

„Каганович“ колхозысь С. Широбокова, А. Зеленина, А. Перевозчикова, А. Иванова но А. Шамаева нормаоссэз кыкмен уно быдэс'яло.

Озы ик мукет колхоз'ёсын но етин уж умояны кулэ.
Загребин.

ВОТКИНСКОЙ, САРАПУЛЬСКОЙ, КИЯСОВСКОЙ НО КАРАКУЛИНСКОЙ РАЙОН'ЕС УДМУРТИЕ ПЫРО

Кировской областысь Вотнинской, Сарапульской, Киясовской но Каракулинской райно'ёсты

Удмуртской АССР-е пыртон сярысь Кировской областэсь но Удмуртской АССР-лэсь холатайствозэс ЦИК удовлетворить кариз.

Воронцова Антонидалы но Дресвянникова Анастасиялы эшлыко гожтэт

ВКП(б) райком но райисполком тйлад достиженостылы гордигьса карыськыса Зечкыла. Ти, Воронцова эш, октон-калтон дыр'я культэ кергтылонын но стахановской движенилэсь образецэ возьматйды. Нуналы быдэ 2500 культэ кергтылйды. Ти, стахановской движениез етин шукконэ но берыктыны быгатйды. Ти нуналы быдэ 50 килограмм етин шуккылыськыды. Озы ик асьтэ ужан опытаньды, асьтэ эшгэс Дресвянникова Анастасияез сьбрады кыкыны быгатйды. Со нуналы быдэ 32 килограмм шуккылэ. Тйлад со стахановской движениез предел уз луы, Ти уката но стахановской движениез паськыт вöлмытоды.

Воронцова эш, Ти та кыккуинь нунал кустын 100 килограммозь но уно етин шуккыны быгато шуса сётэм кылдэс, уж вылын быдэстоны шуса оскиськомы.

Воронцова но Дресвянникова эш'ёс, Ти зэмос валады стахановской движенилэсь Зечлыксэ, кудйз ке азыланьысь азылане нуэ. Озы ик Ти валады Сталинской Конституциез, кудйз ке быдэс дунне выльсь демократической Конституциен луэ.

Азылань, вылес вормэн'ёсы!

**ВКП(б) райкомлэн
сенретарез Орлов
Райисполкомлэн председателез Бушмакин**

Бессонов ВКП(б) кандидат радьсь куштэмын

Асьме районуось вань колхоз'ёс предоктябрьской социалистической Чошатсконэ пырыськыса, стахановской движениез паськыт вöлмытыса, государстволы етин мертчан сётон обязательствозэ октябрь революцилэн 20 ар тырмон нуналозиз быдэстом шуса совещаниянын вазиськызы.

Нош „Азино“ колхозын та ужпум'ёс ваньмыз мукет семен пунктэмын. Тужгес ик, етин сётон но сое государстволы сётон чиданы луонгэм либ пунктэмын. План'я 35 центнер ке сётон вал, туннэ нуналоз одиг килограмм но сётымтэ.

Малы ке шуоно, колхозлэн председателез Бессонов кулацкой мылкыдын улыса, сое уж вылын нуэменыз та дырозь колхозник'ёсты етинэз переработать карон борды өз кутылы.

ВКП(б) райкомлэн бюроез, Бессоновез трос пол предупредить карылйз. Нош Бессонов та конкретной указаниосты кулээн өз лыд'я. Аслэстыз кулацкой мылкыдзэ куштытэк, классовой тушмонлы юрттысь луса ужамез понна, ВКП(б) райкомлэн бюроез 26 октябре Бессоновез ВКП(б) кандидат радьсь куштйз.

Положениез дышетон умой мынэ

Верховной Советэ быр'ён положениез дышетонлэн главной опораез печать луэ шуса, куд-ог колхоз'ёс валазы. Тани „Каганович“ колхозысь ваньзы ик колхозник'ёс „Шаркан коммуна“ но „Удмурт коммуна“

газет'ёсты басьтыны гожтыськызы.

Али, та колхозын Сталинской Конституциез но Верховной Советэ бырйиськон положениез дышетон умой мынэ. Колхозник'ёс кружке малысь кышысь ветло.

Сарапульской округысь избирательной комиссилэсь

СССР-ысь Верховной Советэ быр'ён'ес'я Сарапульской Избирательной округлэн №-161, окружной избирательной комиссиез таче адрес'я помещаться карыське:

г. Сарапул, Горькийлэн урамез 17 номеро юрт (клуб Кожевников), телефонлэн номерез 3-22
**САРАПУЛЬСКОЙ ОКРУЖНОЙ
ИЗБИРАТЕЛЬНОЙ КОМИССИЯ**

Широбоков — тушмон разоблачить каремын

Широбоков Степан Прокопьевич 1930 арысен ВКП(б) членлэн кандидатез луэ. 1933 аре Ижевской Гор-ОНО-лэн первичной партийной организациеныз выговор ялылэмын вал. 1934 арэ, школаосын тырмыт кивалтымтэез понна ВКП(б)-лэн Шаркан райкоменыз выговор ялымын. Аизлэн хозяйствозез 1931 аре чурят тырон улэ шедьылэмын.

1934 арысен Ронолэн кивалтысез луыса ужаз. Ас ужаз беспечно-бюрократически относиться кариськиз. Школаосысь учебно-воспитательной ужен чик өз кивалты. Дышетисьёсыз уже кутылон дыр'я кадр'ёсты өз эскерылы, со юри чуждой мурт'ёсты дышетисе карылдиз. Кылсярысь, азыло белогвардеец'ёсыз Ивановез, Борисовез но попез Широбоковез, кудыз ке совето власть кылдэм бере но черкын вбсяськыса улыз на.

1936-1937 ар'ёсы дышеткисьёс пблын 28 процент отсева вал. Широбоков отсева луэмлы ноқыче ужпум'ёс өз кутылы. 2 дышеткись пинал'ёслэн асысэдис быдтэмзы но детдомысь воспитаникез зверской быдтэмзы Широбоков понна нормальной явлении вал.

Бередь школаысь заведующая Спиридонова IV-ти классысь 36 дышеткисьёс полысь 6 гинэ выпустить кариз. Широбоков Спиридоновалы ноқыче ужрад'ёс өз кутылы, зйбломьтскиз. Ужрад'ёс кутэм өвёл, Спиридоновалы мукет районэ мыныны понна умой справка сётыз.

Грубо обращаться кариськылдиз роноысь ужасьёсын но дышетисьёсын.

Аслаз ужаз Наркомпросысь Калининлэсь но Будинлэсь вредительской ужзэс азылань нумыса улыз. Шарканэ средней школа лэсьтонэз юри жегатыса возиз. 1936 аре строительстволы сётэм коньдонэз 24000 манетсэ израсходовать өз кары. Школаос лэсьтонын ужась колхозник'ёслы ужчунзэс уноезлы өз сёт'я.

Суроноысь неполной средней школаез ас сяменыз начальной школа кариз. Казесской школаысь витети классэс паралельной каронлы тыпак пумит кариськиз.

Виль дышетскон арлы дасяськон ужен өз кивалты. Уно школаос дышетскон арлы дасесь ой вал. Кылсярысь: Киварской, Ляльшурской, Порозовской НСШ-ос. Учреждениосысь политпросвет уж'ёсыз куашкатыз. Неграмотнойёсты но малограмотнойёсты дышегонэн чик өз кивалты. 19 сентябре 1937 аре, призывной пунктэ призывник'ёслэсь грамотностьсэс эскерыны юри манашкаез ыстиз.

Народной образование ужпумез куашкатэмез, чуждой мурт'ёсты дышетисе пуктылэмез, Шаркан шоролыко школа лэсьтонэз вредительски жегатэмез, дышетскон ужез куашкатон вылысь виль дышетскон арлы уно школаосыз тупат'ямтэез понна, райком, ВКП(б) кандидатэсь куштыны но материалзэ судебно-следственной органэ сёгыны шуса пуктыз.

ВКП(б) райкомлэн секретарез ОРЛОВ.

Етин ужен уг кивалто

Районамы, государстволы етин мертчан сётон ноқытчы чидантэм ляб мынэ. Уно сельсовет'ёс но колхоз'ёс етин уж борды умой-умой өз кутскылэ на. Народной хозяйствын етин мертчан мар быдза инты басытэ, сое өз валалэ на.

Шаркан сельсовет 6,2 процентлы, Кивар 3,6 процентлы, Билиб 7 процентлы, Сосновка 8,4 проц., Собино 3,6 проц., сяна государстволы етин мертчан өз сётэ

Етин шукнонын таос умой ужало

„Буденный“ колхозын етин ужын стахановской движение паськыт вблмытэмын. Тани, Хардина А. К., 20 килограмм, Кожевникова А. Ф., 20 килограмм, Кожев-

на. Та сельсовет'ёслэн кивалтысьёсы етин шоры вредительски учко. Кылынызы супыльтыса гинэ кивалто. Нош конкретной ужпум'ёс уг сёт'яло. Бдительностьсы өвёлэн, тушмон'ёс етин ужез жегатыса возё. Райзо телефон пыр гинэ кивалтэ.

Таچه ужлы пум понно. Колхоз'ёсын основной ужась кужымез етин уж борды переключить кароно. ЛЕОН.

никова В. З., 16 килограмм нуналлы быдэ етин шуккыло. Озыы ик мукет'ёсыз но нормаоссэс мултэсэн быдэ'яло.

Князев

Пудоосыз толйытон азелы образцово дасяськоно

Жоген, луд вылысь пудоосты гид'ёсы пыртоно луоз. Соин ик, пудоез толйытон азе умой, образцово дасяськоно. Пудоослы, чылкыт, шунит, югыт гид'ёс дасян али котькуд колхоз'ёслэн председател'ёсылэн обязанностенызы улэ. УАССР-ысь Совнарком 1 августэ пунктэмаз, 1 октябрось пудо гид'ёсты тупат'яса но виль гид'ёсты лэсьтыса быдэстыны ко сйз. Нош озыы ке но туннэ нуналозь уно колхоз'ёс со уж борды өз кутскылэ на.

Сельсовет'ёслэн колхоз'ёсын гызмыльтыса кивалтэменызы, бдительностьсы өвёлэн, классовой тушмон'ёс пудо вордон ужын вредить карыса уло.

„Сталино“ колхозлэн председателез строительстволы кредит басытэм коньдонзэ аслыз уждун кариз. Вал гид'ёс уг лэсьтысько, вал'ёс толалтэлы липет улэ гинэ кылэ.

„Кыква“ колхозлэн председателез Мокин вискарытэк юса улэ. Строительной бригадаез асерказ лэзиз. Жоген парсьпиос луозы, нош парсьёс воля азын ветло. „Кр. Партизан“ колхозлэн председателез Шуттов гид'ёс лэсьтон борды али гинэ кутстиз. Суро пудоосты йылтон планэз 50 процентлы гинэ быдэсемын. Пудоосыз комплектовать каронэн уг ужа. „Светлана“ колхозысь строительной бригадалэн бригадирез пудо гид'ёс лэсьтонлы тыпак пумит мынэ, бере кельтэ. „Сенино Поляна“ колхозлэн ревизионной комиссиелэн председателез Хорошавцев Яков пудо сионэз конюх'ёслы но фермаысь заведующойлы личной ответственность улэ сётонлы тыпак пумит мынэ.

Таچه чидантэм уж'ёс районной организациосты но сельсовет'ёсты уг вырзыто.

Пудоосыз йылтон понна зеч сион дасян туж важной ужен улэ. Та вилй верам

колхоз'ёс та ужез самотеке куштызы.

Таچه урод положениез умоятон понна каждой сельсовет'ёсын зоветперсонал'ёслэн участизы бадзым инты басытэ. Озыы ик, колхоз'ёс асысэ куспазы, пудоез гидэ пыртонлы дасяськемзэ эскерылон организовать кароно. Уката но, пудоосыз комплектовать каронэз, колхозник'ёслэсь безкоровностьсэс ликвидировать каронэз, кредит'ёсыз шонер израсходовать каремез, пудо сион фуражез, пудо гид'ёс лэсьтонлэсь мынэмзэ эскерылоно луо.

Гид лэсьтон'ёс таچه зоветветеринарной требованиосыз куро: висячой пол'ёс луыны кулэ өвёл. Соос интые, муз'емез грунтовать карыса вис кельтытэк полэз вблдоно. Коргид котыртй канаваос копанно. Бордор'ёсыз конопатить кароно но укноосы кыкполэс рамаос пуктылоно. Кыед ву бызёнэз очистить карылоно. Вентиляциез вискарытэк эскерылоно. Чуньы ваёно вал'ёслы шунитэсь, чылкытэсь родильной помещениос тупат'яно. Ву возён Чан'ёсын, сионэз запаривать карон ящик'ёсын, кормушкаосын, куро вандон машинаосын коргид'ёс обеспечить каремын мед луозы. Каждной живпостройкаосын тамбураос мед луозы. Коргид'ёсыз, „Вукогурт“, „Доброволец“, но „Н. труд“ колхоз'ёслэсь пример басытыса лэсьтылоно.

Нимысьтыз ик саклык зоотехнической дышетсконлы вис'яно.

Партийной но советской организациослы пудо вордон борды по-большевистски кутсконо. Бдительность вилэ жутыса, пудо вордонлы люкетись тушмон'ёсыз, вредительёсыз выжыенызы ик пороно.

Толалтэ азе образцово дасяськыса, пудолэсь уллэзэ йылтон но продуктивностьсэ жугон понна чурят ужпум пуктоно. **Усов.**

Урод гыро

Бадьярово МТС-лэн 12-ти номеро бригадаез „Горд партизан“ колхозын гыре. Бригадирез Ивановский аслаз тракторист'ёсыныз уг кивалты. Тракторист'ёс лымы улэ гыронэз вредительски гыро. Гырем бервилтызы туж уно пасесь келлямын. Ивановскийлы сыче ужзэ верано ке, со кулэтэм

урод кыл'ёсын куаретыны кутске. Гыремез тэрганы, ужды өвёл тйляд,—шуэ, со. Нош МТС сыче бригадаосыз уг эскерылы. Тракторист'ёсын гызмыльтыса кивалтэ.

Ильин

Редактор П. АРИСТАРХОВ